



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tribunal Poenitentiæ Sev Libri Dvo Prior De Poenitente Ut
Reo Posterior De Confessario Ut Judice**

Stoz, Matthäus

Anno M.DC.LXXXIX.

§. 3. Quotuplex sit reservatio?

urn:nbn:de:hbz:466:1-37144

§. III.

Quotuplex sit Reservatio.

59. II. Reservatio alia dici potest pœnalis, alia non pœnalis, sed medicinalis, ut indicat Sanch. *I.9. Matr. Disp. 32. n.18. Lug. loco mox citan. n.9.* Palao *tr.2. Disp. 1. p.17. n.8.* Prior in odium alicujus delicti ejusque pœnam; posterior tantum in bonum fidelium, & rectam Ecclesie gubernationem fit. Prioris generis putat Gobat *tr.7. n. 360.* esse tantum illam Reservationem, quæ habet annexam censuram; alias omnes accenset non pœnibus. Sed rectius Palao *I.c.* docet, pro pœnali habendam, quando fit per talem legem, per quam simul etiam specialiter ipsum delictum reservatum prohibetur, & punitur; pro non pœnali autem, quando per legem aliquam fit, quæ simpliciter tantum loquitur, reservando quidem delictum, sed non simul etiam specialiter illud prohibendo. Alium sensum huic Autori attribuit Joseph à S. Januario apud Dian. *p.10. tr.16. Ref. 63.* sed non videtur eum satis esse assecutus. Et hanc reservationis distinctionem non est otiosum aut inutile observare.

Nam pœnalem non incurrit, qui scienter quidem delictum committit, sed invincibiliter ignorat legem, quæ illud prohibet simul & reservat. Sanch. *I.c.* vel, ut alii loquuntur, saltem invincibiliter ignorat ipsam impositam à tali lege reservationem. Palao *I.c. & alii*, idque ipse etiam Sanch. probabile censer; sicut & Lugo de pœnia. *Disp. 10. n.11.* Dian. *p.6. tr.6. Ref. 42.* Ratio, quia sicut privilegium iuri communi insertum sequitur naturam iuris communis, ita etiam Reservatio per

R. P. Stoer Trib. Pœnit. Lib. II.

legem prohibitivam simul & punitivam facta sequitur naturam talis legis, tanquam accessorium ad suum principale, ut argumentatur Sanch. *I.c.* atqui certum est, quod qui legem, & ex communi etiam probabile est, quod qui vel solam pœnam legis, contra quam agit, saltem invincibiliter ignorat, pœnam non incurrat, ergo nec reservationem pœnalem. A reservationibus autem non pœnibus nulla excusat delinquentes ignorantia, quia hujusmodi reservatio est mera, & absolute facta ablato Jurisdictionis, sine qua non potest ullo modo à Confessario absolviri pœnitens, sive jam scienter, sive ignorantiter delictum commiserit. Reservatio pœnalis est quidem etiam ablato Jurisdictionis, non tamen mera, cum sit simul etiam pœna; neque fit absolute, sed tantum conditionata, scilicet nisi delinquens legem reservantem, vel saltem reservationem invincibiliter ignoraverit.

Nonnulli apud Dian. *cit. Ref. 42.* putant, omnem reservationem esse pœnalem, (quibus quoad hoc consentit Fagundez *Præc. 2. lib. 8. cap. 1. n.28.*) adeoque nullam, quæ per legem quamcunque fit, incurri ab ignorantibus, idque multis rationibus probare conatur Joseph à S. Januario apud Dian. *cit. Ref. 63.* & ipse Diana *ibid.* fatetur hoc esse lat's probabile; sed, ut ego intelligo, ad summum speculative tantum, & non practicè: quia nostram sententiam, quæ affirmat, reservationem non pœnalem incurri etiam ab ignorantibus, agnoscit *cit. Ref. 42.* esse communem, à Lugone dici certam, & omnium Religionum praxi receptam; contrariam quoque opinionem ab Hurrado censi improbabilem. Unde non attentâ probabi-

D

babi-

babilitate, quam contraria sententia anteatribuerat, meritò ait, se nostræ adhærere, necaudere se ab ea recedere.

60. III. Omnino tamen hic præterea addendum, & bene notandum est fundatum à Dicast. de pœnit. Disp. II. n. 19. & seqq. traditum, uti & ab aliis, quod nimis Casus à Pontifice reservatus semper expressè habeat vel saltem censeatur habere implicitè annexam censuram, & sit tam quoad peccatum, quam quoad censuram reservatus; ita quidem, ut, quod n. 37. docet, utraque reservatio sit inter se tam in fieri quam in conservari connexa, & alterutram ablatam hoc ipso censetur ablata & altera, nisi expressè Pontifex aliud statuerit. Atque hinc ipse n. 23. probabilissimum esse ait, testaturque absolute docere Henr. & Coninch, quod, quando peccatum reservatum & habens annexam censuram ita committitur, ut propter ignorantiam, metum, vel aliam causam non incurritur censura, hoc ipso peccatum commissum non sit reservatum; sed possit à quovis legitimo Confessario absolvi. Idem docet Palao tr. 4. de fide. disp. 4. p. 3. in priv. Tamb. in Meth. Conf. I. 3. cap. 7. n. 3. & in tr. de Casibus reservat. cap. 5. §. 1. Dian. p. 9. tr. 6. Ref. 13. cum aliis, inter quos est etiam Laym. I. 5. tr. 6. cap. 12. n. 2. qui l. c. excipit crimen hæresis, sed non bene, ut Dicast. cit. n. 37. docet, & Sanch. lib. 2. Moral. cap. 8. n. 3. & 5. ubi: si hereticus, inquit, ratione ignorantiae censuram Excommunicationis non incurreret, posset ejus peccatum à quovis Confessario absolviri, quia non est reservatum. Ethac ita se habent, sive jam reservatio ejusmodi dicatur esse pœnalis, ut vult Gobat præ-

ced. num. sive non esse. A quavis autem censura, ut id quoque hic obiter dicam, excusat etiam adhuc ille, qui si non ipsam legem, tamen censuram, saltem sub qua lex aliquid prohibet, ignorat, & quidem ignorantia etiam vincibili & mortaliiter culpabilis, modò non sit crassa & sapina. Sanch. lib. 9. Matr. Disp. 32. n. 31. Laym. l. c. & Dian. in variis locis indicatis in sum. V. Ignorantia. n. 7. cum aliis.

Quinam verò casus sint reservati Pontifici, videri potest apud Toletum lib. I. cap. 18. Filliuc. tr. 20. cap. 4. n. 13. & in Instruct. cap. 1. art. 5. & alios. Universum quadraginta duos enumerat Suar. de Censur. Disp. 22. inter quos censi adhuc debent etiam illi omnes, in quos potestas absolvendi concessa est Episcopis in Trid. Sess. 24. cap. 6. & Ordinibus Mendicantium in suis privilegiis, vi quorum possunt isti absolvere ab omnibus Casibus Pontifici reservatis, exceptis Casibus in Bulla Cœnæ, & quinque aliis in Decreto Clem. VIII. de quo sup. n. 58. contentis, & sunt 1. Extractio reorum ex Ecclesia vel Cemeterio contra Gregorii XIV. prohibitionem. 2. Violatio clausuræ Monialium ad malum finem Castitati contrarium. 3. Duellum in forma Trid. 4. Percussio Clerici, si non sit levius, sed mediocris vel gravis. & 5. Simonia realis vel confidentialis; de quibus vide Pellizarium tr. 6. cap. 2. & n. 18. Sed adverte, postea Urbanum VIII. in suo Decreto 1628. 17. Nov. declarasse, quod Regularris per Decreta Clem. VIII. minimè fuerit extra Italianam ablata, si quam habebant, facultas absolvendi ab aliis peccatis & censuris, præterquam in Bulla Cœnæ, & per Ordinarium loci reservatis.

Ex

Ex predictis autem, ut patet, onus Pontificiarum reservationum jam multum est alleviatum.

61. IV. Quod si casus ab Episcopo reservatus habeat ab eodem annexam censuram, tunc est quidem etiam tam quoad peccatum, quam quoad censuram reservatus; sed ita juxta usum Ecclesie & communem sensum Episcoporum, teste Tamb. tr. de Casib. reserv. cit. cap. 5. §. 1. n. 7. ut una ex duabus illis reservationibus sit independens ab altera, adeoque peccatum adhuc maneat reservatum, quamvis propter ignorantiam, metum, vel aliam causam non sit contracta censura. Episcopi enim communiter volunt peccatum ratione sui ipsius, & prout à censura distinctum est, reservare. Unde non omnes casus ab Episcopis reservati habent annexam censuram. Deinde Episcopi, si alicui luo casui reservato annexant censuram, faciunt id tantum in hunc finem, ut reservatio sit tanto gravior, & à delinquente non tam facilè possit sine requisito Episcopi consensu evitari; atqui huic fini repugnat, velle, ut reservatio peccati, & reservatio censuræ sint inter se inseparabiliter connexæ, ut patet ex dictis; ergo Episcopi talem connexionem communiter non volunt; nec potest in dubio præsumi, quod eam velint. Veruntamen si omnino ex verbis Reservationis, vel ex alijs circumstantijs aperte constaret, quod Episcopus in aliquo casu, à se cum censura reservato, vellet utriusque reservationem esse inter se connexam, tunc omnino esset idem de illo; quod de aliquo casu Pontificio sup. n. 60. Quæ autem hic dicta sunt de casibus ab Episcopo cum censurateservatis, intelligenda sunt etiam

ob easdem causas de casibus à Prælato Regulari reservatis, & annexam censuram habentibus; utrobique tamen semper attendendum est, an Reservatio sit vel non sit pœnalis. sup. n. 59.

§. IV.

Quinam possint facere Reservationem Casum? & quo modo?

62. V. Illi omnes & soli possunt casus aliquos reservare, qui habent potestatem alijs conferendi jurisdictionem ordinariam, vel delegatam; adeoque 1. Pontifex pro tota Ecclesia. 2. quivis Episcopus pro sua Diœcesi. 3. Prælatus Regularis pro suo Ordine vel Monasterio; & 4. etiam Parochus pro sua parochia, quia etiam ille, si velit, potest Jurisdictionem in suas oves, cum eam Cooperatori suo vel alteri Sacerdoti delegat, ad certos casus restringere. Dicast. de pœnit. Disp. II. n. 4. Lugo de pœnit. Disp. 20. n. 2. vide Tann. tom. 4. Disp. 6. q. 9. n. 78. Sed non est in usu; nec expedit ita gravare parochianos. Fieri potest directè vel indirectè. Priore modo fit, cum quis jurisdictionem alterius, quam restringit, habet sibi subordinatam, ut Ordinarius superior habet Ordinarij inferioris, & delegans delegati. Posteriore modo fit, cum quis jurisdictionem alterius sibi non habet subordinatam; suum tamen subditum eidem subjicit, sed quoad aliqua tantum peccata, non quoad omnia, ut si Prælatus Regularis permittat suum Religiosum à peccatis absolviri per Parochum, exceptis aliquibus casibus.

Prælatis autem Regularibus potestatem reservandi, ne ea abuterentur, limitavit Clemens VIII. & undecim tantum